



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

XV. In Societatem ab Ignatio recipi cupit.

urn:nbn:de:hbz:466:1-45256

creuit. Hæc dum agitat, orationi intentus, septem continuo diebus tiaram capiti immentem clarè vidit. Ecclesiasticam dignitatem designari putans, obtestari Deum, ac deprecari, ne, quos fugeret honores, quæsiisse alibi videretur. Cum post Societatis Præpositus renuntiatus esset à Gaspare Fernandez interrogatus, illane tiara esset, iucundè respondit, eandem videri.

CAPVT XV.

In Societatem ab Ignatio recipi cupit.

IGITVR FRANCISCVS nihil ultra cunctandum ratus, domesticum extemplo cum literis Romam ad Ignatium allegauit, qui tum Societatis familiam auctor ipse ducebat: rogat primum reliquis Sociis adscriben-

bendo, voti compotem faceret. De re omni familiari, liberis, annuo censu, redditibusque certior rem facit: quæ consilio regeret, moderareturque. Non exiguam, redditis litteris, Ignatius voluptatem cepit: quod recens ortam familiam, tanti viri accessione, illustratum iri confideret. Et verò pridem id præuideret, DEO suggerente. Romam enim ex Hispania reuerso Fabro, vitæque mox defuncto, cum mæstos videret Socios Ignatius, tanti viri immaturo obitu, atque iactura: *Bene sperare iubeo, ait, minimeque lugendum censeo: quando præclarè cum illo agi nõ dubito. Spero item fore, vt qui Fabrum nobis eripuit intempestiue, idem alium patrem sufficiat, Ducem Gandiæ tacite vaticinans. Epistolam, qua respondit Ignatius, attexam:*

E s

sed

sed mihi fraudi non sit, verbum
 non esse adnumerata, cum sensum
 fide bona redditum sciam
 D E N E D I C T V S D E V S, qui con-
 solatur nos in omnibus, cui quoniam
 pro meritis gratias agere non possu-
 mus mortales, laudent eum omnes
 Angeli, beatorumque spiritus,
 quia te vineæ suæ excolenda de-
 stinavit, atque conduxit. Equidem
 te in ordinem nostrum adopto, reci-
 pioque libens; cum bona spe, utilita-
 ti id fore Ecclesiæ D E I, cuius ho-
 nor queritur; tibi quoque sum-
 ma consolationi, Societati orna-
 mento, omnibus denique exemplo,
 & emolumento. Precabor itaque
 D E V M, ut, qui velle dedit, det i-
 dem & perficere, ad laudem, &
 gloriam nominis Filij sui I E S U
 Christi, in cuius Societatem, pusil-
 lum hunc gregem vocare placuit.
 Venio ad singula epistolæ tuæ capi-
 ta.

ta. Dete, quando in nostrum gregem admitti possis, quæris. Equidem in Domino sic statuo, rem primum familiarē, vt gnauum patrem familias decet, constituas prudenter, & mature. Mature quidem, vt citius voti compos fias; prudenter verò, ne in vulgus efferi prius sanum id consilium patiaris, quam prestare, quod valde exoptas, commodo tuo possis. De filiabus matrimonio collocandis, dignitatis, & ordinis tui habendam rationem censeo. Marchioni quoque filio natu maximo vxor querenda. Fratribus reliquis tantum in bonis reliquas, quantum satis est, quo in Academicis disciplinarum studia persequi commode liceat. Casarem præterea eorum rationem habiturū, cum pro tuis in illum officijs, tunc quia ita merebuntur ipsi, confido. Aedificia, si que in horta, ad recta perducantur.

De-

Denique, vt semel dicam, absolui omnia quam maturrime, ad exitumque, quoad eius fieri potest, referri optarim: quo citius libero te, & expedito frui liceat. Interea loci, studia reuocanda omnino existimo; & vrgenda serio est Theologia, sacerdoti necessaria, in qua etiam laurea te Doctoris insigniri velim in Gandiensi Academia. Cetera, vt se dabunt, ad me referas licet; equidem rebus tuis parentis posthac animo consulam: DE VMque precabor, te, tuaque sospitet, atque ad portum salutis eterne perducatur. Rome.

Hisce lectis literis FRANCISCVS gaudio pæne exsiliijt, quod à sua ipse potestate exisset, & Ignatio se, vt cœpit, commisisset. Omnia itaque satagere ne longius fieret, quo citius sese vinculis expediret. Optabat iam
tum

tum Vota concipere, Religio-
 rum hominum ritu. Quam rem,
 litteris illius adductus Ignatius,
 à Pontifice Max. impetrauit. An-
 no itaque salutis c^l.o. l^o. XLVII.
 Votis nuncupatis solemnibus,
 Sociorum numero adscriptus
 Gandiæ est; paucis tamen con-
 scijs, ne in vulgus prius manaret,
 quam rebus omnibus composi-
 tis, Societati se adiungeret.

CAPVT XVI.

Rem domesticam componit.

IGITVR parendum in reliquis
 sibi Ignatij sanis consilijs du-
 xit. Filio Marchioni Lombaia
 Carolo, familiæ principi, vxor
 data Magdalena Centellas, Frã-
 cisci Centellæ Comitis Oliuæ,
 (id oppidū mille passibus Gan-
 diæ adiacet) & Mariæ Cardonæ
 filia. Filiarum trium natu mini-
 ma